

**"Mening O'zbekistonim", "Men sevgan asar" eng yaxshi videoroliklar tanlovini
o'tkazish tartibi to'g'risidagi**

I. Umumiy qoidalar

1. Mazkur Nizom universitetda tahsil olayotgan barcha talaba-yoshlar o'rtasida **"Mening O'zbekistonim", "Men sevgan asar"** eng yaxshi videoroliklar tanlovini (keyingi o'rinlarda – Tanlov) o'tkazish tartibini belgilaydi.

2. **"Mening O'zbekistonim", "Men sevgan asar"** eng yaxshi videoroliklar tanlovida universitetda tahsil olayotgan talabalar o'zlarining ijodiy ishlari bilan ishtirok etadi.

II. Tanlovning maqsadi va vazifalari

3. Tanlovning asosiy maqsadi - talabalarni vatanparvarlik ruhida tarbiyalash, O'zbekistonimizning qadimiy va boy tarixi, madaniyati, ma'naviy-ma'rifiy ildizlarini o'rganish, yoshlarimizni mardlik, jasorat va matonat ruhida tarbiyalash, ularni o'z iqtidorlarni namoyish etishlari uchun shart-sharoitlar yaratish hamda mustaqil va erkin fikrga ega iste'dodli talabalarni qo'llab-quvvatlash, kitobxonlik, mutolaa madaniyatini targ'ib qilishdan iborat.

Tanlovning vazifasi - iqtidorli talabalarning ijodiy ishlari, aktyorlik, montajyorlik, rejissyorlik va ijodkorlik mahoratlarini qo'llab quvvatlash, yosh avlodni har tomonlama yetuk, yuksak ma'naviyatli, intellektual salohiyatli, Vataniga sadoqatli inson qilib tarbiyalash.

III. Tanlovni tashkil etish va o'tkazish

4. Tanlovda universitetda tahsil olayotgan talaba-yoshlar ishtirok etadi.

5. Tanlovni tashkil etish va uni o'tkazish, Yoshlar masalalari va ma'naviy-ma'rifiy ishlar bo'yicha birinchi prorektor zimmasiga yuklatiladi.

6. Tanlov 2 bosqichda tashkil etiladi.

1-bosqich fakultetlararo saralash bosqichi va 2-universitet final bosqichi. Tanlovning barcha bosqichlari iyun-iyul oylari davomida o'tkaziladi.

Tanlovning barcha bosqichlarini o'tkazish muddatlari universitet yoshlar bilan ishlash, ma'naviyat va ma'rifat bo'limi tomonidan belgilanadi.

7. Tanlovni o'tkazish bo'yicha ishchi guruh tuziladi hamda tanlovning 1-bosqichida fakultetlarda tuzilgan Hakamlar hay'ati xulosasiga ko'ra 3 ta (1-2-3-o'rin) ishtirokchining ijodiy ishlari tanlovning birinchi bosqichi o'tkazilgan kundan boshlab 3 kun davomida universitet final bosqichiga yuboriladi va 3 kundan kechikkan ishlar qabul qilinmaydi.

8. 2-universitet final bosqichida Hakamlar hay'ati tarkibi tuziladi, fakultetlar tomonidan taqdim etilgan ishlar ko'rib chiqiladi va g'oliblar aniqlanadi.

IV. Tanlov shartlari va baholash mezonlari chiqiladi

9. **"Mening O'zbekistonim" mavzusidagi ijodiy ishlar** quyidagi yo'nalishlardan bittasida bo'lishi talab etiladi:

milliylikni targ'ib qilish, ularni milliy merosimiz va qadimiy urf-odatlarimiz bilan yaqindan tanishtirishga qaratilgan bo'lishi;

yoshlarda harbiy vatanparvarlik ruhini oshirishga qaratilgan bo'lishi;

O'zbekistonning tarixi va bugungi kuni, hozirgi kunda amalga oshirilayotgan keng ko'lamli islohotlar v.h haqida bo'lishi kerak;

“Men sevgan asar” yo‘nalishidagi ijodiy ishda ishtirok etayotgan talabgorlardan quyidagilar talab etiladi:

sevgan adabiy asari, uning muallifi, asar mazmuni va undagi Vatan, millat, tarix yoki insoniy qadriyatlar ifodasi haqida so‘z yuritishi;

asarning Vatan tuyg‘usini shakllantirishdagi o‘rni, shaxsga ta’siri va hayotdagi ahamiyati yoritilishi kerak.

Videoda asar satrlari yoki muhim parchalar qisqacha taqdim etilishi mumkin.

taqdim etiladigan videoroliklar soni 1 ta, davomiyligi 1 daqiqadan - 3 daqiqagacha MPEG-4 formatda;

videorolik tasvirida ishtirokchi 70-80 foizgacha aks (ko‘rinishi) etishi shart;

mavzuga mosligi, g‘oyaning dolzarbligi, videorolik tanlov talablariga javob berishi hamda unda aks ettirilgan voqea-hodisaning mazmun-mohiyati, ahamiyati to‘liq ochib berilishi va tugallangan bo‘lishi, musiqa foni, video-effektlardan foydalanilganligi, kreativlik, ishning uslubiy jihatdan o‘ziga xosligi, ishtirokchilarning aktyorlik mahoratlari, nutqi va suxandonliklari inobatga olinib Hakamlar hay’ati tomonidan 1 balldan 30 ballgacha tartibda baholanadi.

10. Videorolikda yoritilayotgan mavzu nomi ko‘rsatilishi mumkin hamda suratga olish va montaj jarayonida maxsus dastur, uskunalaridan foydalanish ishtirokchining ixtiyoriga havola etiladi.

V. Hujjatlarni taqdim etish tartibi

11. Fakultet bosqichida g‘olib bo‘lgan 1-2-3-o‘rinni egallagan talabalarning hujjatlari, bayonnomasi va qarori, g‘olib bo‘lgan talabaning ijodiy materiallari - videoroligi Universitet tashkiliy ishchi guruhiga taqdim etiladi.

VI. Mualliflik huquqlari

12. Tanlovda ishtirok etayotgan videoroliklarda mualliflik huquqlari buzilganda, buning uchun ishni tanlovga taqdim etgan fakultet, ishtirokchi javobgar hisoblanadi.

13. Videorolikda ishtirokchilarning ijodiy ishlari boshqa mualliflik video, reklama roliklari, kinematografik asarlaridan nusxa olishga yo‘l qo‘yilmaydi.

14. Tashkilotchilar tanlovga taqdim etilgan ishlardan tanlovni yoritish, to‘plam yaratish va tarqatish maqsadida foydalanishlari mumkin.

VII. Tanlov g‘oliblarini taqdirlash

15. **“Mening O‘zbekistonim”, “Men sevgan asar”** eng yaxshi videoroliklar tanlovining final bosqichida 1-, 2-, 3-o‘rinni egallagan ishtirokchilar universitet tomonidan diplom hamda universitetning budjet va budjetdan tashqari to‘lov-kontrakt mablag‘lari bo‘yicha shakllantirilgan talabalarni rag‘batlantirish jamg‘armasi hisobidan quyidagi tartibda:

1-o‘rin - bazaviy stipendiyaning 3 barobari;

2-o‘rin - bazaviy stipendiyaning 2 barobari;

3-o‘rin - bazaviy stipendiyaning 1 barobari miqdorida pul mukofoti bilan mukofotlanadi.

VIII. Yakuniy qoidalar

16. O‘tkazilgan tanlovlar hamda faxrli o‘rinlarni egallagan ishtirokchilarning ijodiy ishlari universitetning ijtimoiy tarmoqlardagi rasmiy sahifalarida yoritiladi.

17. Tanlovga Universitet tashkiliy ishchi guruhi tomonidan o‘zgartirish va qo‘shimchalar kiritilishi mumkin